


C5 Sterilizacija



1910

1933

1951

De kata o bêrš 1933 o „zakono paj prevencija kata genetičko nasvalimos la neva generacijako“ avilo pe zor. Pala kodo zakono sas ando Njamco legalno, murša taj žuvlja te aven zorasa sterilizirime numa te dikhênas len le naci sar biželime elementur la socijetakê, te dikhênas len kaj ašile von mentalni vaj fizični palpale, membrur kata „čorivane rase“ taj takozvani „biande kriminalcur.“ De kata 1933 ži ka 1945 sas maj but de 400.000 žene sterilizirime zorasa – maškar lende sas but Řom taj Sinti. Sas murša taj žuvlja, save sas sterilizirime taj kodolasa sas len šansa te na aven deportirime ande KZ-ura, sas vi avera kaj kêrenas lengê sterilizacija pe zor ande logorja. Kado zakono khoslilo tek ando bêrš 1988, le viktimongê či jeg data či počinde kompenzacija pala kodja.

💡 Žanglen tumen

...kê similarni zakonur egzistirinas vi ande but aver thema, maškar lende o Švedo, e Finska, e Norveška, e Danska, taj le USA? Ande vuni thema sterilizirinas Řomnjan zorasa ži ande l' 1970-utne bêrš.

✍ Tumari bući

Arakhên, ande save thema kêren ži adjes sterilizacija pe zor. Kêren jek dokumentacija pa aktualni slučajur! Gîndin pa kodja, so značil kodja manušengê, kana našti te aven len šavořê!

📷 Paj fotografija

E antrego verzija kata kako zakonosko teksto arakhên pe „data base“(ALEX) ande Österreichische Nationalbibliothek ka <https://alex.onb.ac.at>



<https://www.romasintigenocide.eu/kalderasch/c>